

2 San Juan

Jtsiyenana ndegombre soyéngaca y nyetscanga jtsenbobonshánèse

¹Atše chë bëtsëjema, quem tsbuanácha sentsabiamná, chë uámana mamá, chë Bëngbe Bëtsabe bocacaná y chabe basengbiámnaca, ndëmuanyënga atše ndegombre sëndábabuanýeshana. Y ndoñe nyë atše chënga quetsátababuanýeshana, ndayá nyetscanga chë Bëngbe Bëtsabe ndegombre soyënga uabuátméngnaca.

²Atše cbontsababuanýeshana, chë ndegombre soyënga bëngbe ainaniñe mondbómnyayeca, y chë soyënga bëngbe ainaniñe sempre echántsemna.

³Atše séntseimpadana Bëngbe Bëtsá chë Taitá, y Jesucristo chë Taitabe Uaquiñá, chaboma tsëngaftangbeñe tsabe bendicionënga chaotsemnana, chata tsëngaftangbioye chácmalastemama, y chaboma tsëngaftangbe ainaniñe tsabe ebionana chašmotseboamna. Quem soyënga, bënga chë ndegombre soyënga uabuátmënga y nyetscanga mondenbobonshánëngaftaca echántsemna.

⁴Puerte sënjoyejuá, er atše acbe básenguëntše báseftanga sënjánýena chë ndegombre soyënga ntšamo Bëngbe Bëtsá chë Taitá šojamëndacá jtsamëse. ⁵Y mora, uámana mamá, cbontseimpadana Diosmanda nyetscanga chamotsenbobonshana.

Chë cbontsëbuabiamná soye ndoñe canýe tsëm mando quenátsmëna, ndayá cach Cristbe ústonënga tmonjanobiama ora tmonjanóyëngacñe mando. ⁶Bënga, Bëngbe Bëtsá y chë inyë entsánga imababuanýeshanama jtsinýnana, bënga ntšamo Bëngbe Bëtsá tojamandacá jtsamëse tmojtsiyenama. Y chabe mando, ntšamo Cristbe ústonënga šmonjanobiama ora šmojanuencá, mëntšá endmëna: jtsiyenana Bëngbe Bëtsá y chë inyë entsánga jtsababuánýeshanëse.

Chë entsángbioye áingñayënga

⁷Quem luarëjana banga entsángbioye áingñayënga mondajna, y chënga jtsejuabnayana Jesucristo quem luaroye ndoñe mo canýe ndegombre entsácá tonjánabo ca. Nda chca tojtsejuabná, cha jtsemnana chë aingñayá y Cristbe contra yomná.

⁸Chëngbiamna cuedado šmochtseboamna. Ndoñe chcace, tsëngaftanga ndoñe quešmochátsboamna chë Cristbiamna cach tsëngaftangbe trabajuentsana tojóbozna soyënga, y ndoñe quešmochatosháchiñe lempe ntšamo Bëngbe Bëtsá tsëngaftangbioye jatšatayama yojtsebošcá.

⁹Ndánaca chë Cristo tojanabuatambá soyëngama inyë soyënga tojatabuatambá, cha ndoñe Bëngbe Bëtsáftaca cánýiñe mo canýacá ntsemnana;

pero nda sempre ntšamo
 Cristo tojanbuatëmbacá
 tojtsabuatambá, cha aíñe chë
 Taitáftaca y chabe Uaquiñáftaca
 cánÿiñe mo canÿacá jtsemnana.
¹⁰Ndánaca tšëngaftangbioye
 tojá jabuátambama, pero ndoñe
 ndayá Cristo tojanabuatambacá
 tojtsebuátëmbase, cha ndoñe
 šmatjofja, ni mo šmatjachuaye. ¹¹Er
 nda chábioye tbojachuase, chábioye
 jtsajabuáchanana chë bacna soye
 chaomama.

Jtadióšoftanama

¹²Atše ba soyënga séntsebmna
 tšëngaftanga jáuyanama, pero
 ndoñe quetsátsboše tsbuanáchañe
 jubuábiamama. Atše séntsejuabná
 aíñe chjobenaye tšëngaftangbioye
 jama, jobenayama nÿetscángaftaca
 jencuéntama, chca, bëngbe oyejuayana
 puerte bëtscá chaotsemnana.

¹³Crístbeyeca acbe quenata, chë
 Bëngbe Bëtsabe bocacaná, chabe
 básenga cmontsacheuaná.